

貢禮部玩齋集卷之三

宛陵貢師泰著

會稽沈

惟編

五言律詩

冬至

子月先三正初陽動六虛氣從溫室候雲向曉臺書
自許心猶壯誰嗤髮已疎乾坤萬里客何計樂樵漁

太平三山值風

天塹東南地長江日夜流大風吹水立驟雨挾山浮
浩蕩掀黃鵠軟頰舞白鷗莫憐舟似葉此亦壯哉遊

燕湖

昨日何處別今朝此地留青山逼岬起白水滿江流
雨隱巡鹽鼓風腥掛網舟何時歌款乃同買綠簑遊

遊麻姑萬松菴

秋日訪招提雲深處處迷殿門松影直庭檻藥苗齊
接竹通流水編籬護野畦道人偏愛客留得樹頭梨

又

積雨變秋思清游愜道心過橋分履迹問寺逐鍾音
紅墮鳥爭果綠深魚占陰何當脫塵鞅重此契幽尋

贈方外間人

白日青天外壺中別有春江湖萬里客宇宙一間人
採藥雲歸袖看花月滿身何時重會面醉拂布袍塵

遊江陰君山

孤嶂臨滄海千山湧大江遠帆歸市獨高塔倒波雙
鷗鷺爭洲淑蛟龍怒石砭壯游心未已飛雨灑樓窓

遊許墅龍華寺

偶到龍華寺因同半日留禪林將結夏客路尚如秋
衆樹綠偏靜一花紅更幽最憐高岬柳容易繫行舟

遊虎丘

海上地偏勝吳中山更奇畫圖雲洶涌冠佩石叅差

花落談經坐苔封試劍也倚闌烟水濶千載一鷗夷
聽雨堂爲周叔量賦

聽雨高堂上君家好弟兄樹深催暮色竹密助秋聲
列坐情方適連床夢屢驚却憐江海闊鴻雁每孤征

題韓與玉所藏春山行旅圖

乾坤春浩蕩江海日舒徐孤客千山騎雙童一篋書
桃花溪口渡松葉嶺頭居何日西湖上從君晚結廬

台州寄楊子秀

路轉千峰合溪通一帶斜飯炊黃渡雪酒染赤城霞
未訪僊人宅先尋博士家近聞歸隱處盡種碧桃花

興化湄洲島祠天妃還

清朝嚴典禮宣閣遣詞臣衣帶天邊雪花逢海上春
稍能更祀事亦足慰疲民萬里行方遠朝來更問津

文

夜宿吳山上朝行莆海東地偏元少雪天闊自多風
不見波濤險寧知造化功百年神女廟長護海霞紅

題程以文竹雨山房

山人愛種竹竹高上雲端屋近琅玕潤林深翡翠寒
好裁鳴鳳管莫截釣魚竿白髮相鄰處時時一問安

天

天上春雷起山中夜雨過林聲遙帶瀑池影淨生波
對坐此君獨迎門稚子多何時深翠裏擊節共長哦

梁山灤

涼雨忽飛過濕雲猶涌來渚花紅陣陣汀樹綠堆堆
一鶴搏空起雙鳧觸浪開梁山非舊俗禾黍滿高臺

東昌次孟景章韻

溪滑魚苔淺沙柔馬蘭長一鷗當水浴雙燕背人翔
客路頻看月征帆尚帶霜灣灣見花柳回首重思鄉

送陳子敬赴南昌尉

送君南作尉黃綬去翩翩縣倚邊江郡花迎上水船

自憐官主印人喜吏如僊定見雙鴻鴻飛來御史前

送國子伴讀張德貞歸湖南

薊北湖南路孤舟萬里程晴天黃鵠健春水白鷗輕
芳草歸時恨閑花別後情定知袍笏貴不似綵衣榮
南城監試和同院張進遠韻

清朝隆禮治僊館策賢良冠冕山河大文章日月光
九閔嚴虎豹千仞下鸞凰此日橋門盛何論漢與唐

送李盤野

秋水芙蓉岬孤帆天上歸青山四面起白鴈數行飛
里父供新釀家人澣舊衣封侯定何事且理釣魚磯

題劉子明西雲亭

野樹偏宜晚江花欲變秋
幌明霞散綺簾暗月沉鉤
解補青山闕還生白髮愁
何時作霖雨却共水東流

送國子生哲德明歸淮西覲省

落日青山外西風白鴈邊
幾人同飲酒一客自開船
江蟹經霜美淮魚出水鮮
遙知到家日白髮語燈前

送華以愚南歸

禁城秋雨後柰此薄寒何
江上書來少吳中客去多
莫帆依橘柚晨爨就蒲荷
遙想歸榮處鄉人日醉過

分題得獲麟堆送李伯貞庶使往山東

正朔周王紀春秋魯國書
瑞圖齊鳳鳥麟趾應關雉
絕筆懷西狩楊樵過舊墟
泰山青萬古相對一躊躇

送佚元魯應奉代祠海嶽

天子臨冊辰祠官侍玉除
香從中禁出祝遣北門書
海若通方貢山靈候使車
青春隨處好六轡且徐徐

送蒙古彭教授往高州

萬里高州路憐君此日行
藤陰頻駐馬榕葉亂啼鷺
人到烏蠻異官同博士清
定知江海上殊俗盡諧聲

居庸關觀新寺

渡水復渡水上山重上山黃
金鑄菩薩白玉凍潺湲

數騎朝還驛千夫夜守關帝城行欲近喜色動衰顏
將千嶺

絕頂低高斗重關壯北門隴雲浮地白谷水帶泥渾
宇宙神功大山河帝業尊小臣叨載筆華髮感深恩

赤城

山近雲連驛沙虛雪擁村瓠壺縣穀種土銜爨柴根
凍雀來依幔晨鷄立傍門客中甘澹泊不必問盤飧

題黃觀瀾卷

碧天看不盡滄海去無邊氣涌風雷動光涵日月懸
竒文方浩瀚餘景尚漪漣好種珊瑚樹他年繫釣船

送趙宗吉赴河間太守

闕下聲名舊河間治化新一麾方到日五馬已行春
報最寬明主緘書慰老親何時鳳池上重與掌絲綸

題雪軒

白天陰欲合冷日景微遮風勁將飄絮春嬌且弄花
照窓冰柱直印几玉文斜試聽吾伊處山南有幾家
圓脩寺雨後書懷三首

長風動高樹疎雨落空庭傍几香烟白開簾草色青
病軀便倚杖老眼倦繙經爲問新來鴈何時過敬亭

又

玩齋集卷三
晨起坐堂上白髮亂如絲野鼠啣梨果山禽繞竹枝
寸心甘自許多病竟誰知賴有溪南友時時慰渴飢

又

開窓對脩竹日莫更深寒感慨情偏極樓遲淚不乾
酒醒驚絡繹衣薄怯闌干烽火何時息餘生得少安

和前韻

病多疏白墮心靜熟黃庭日莫藤蘿暗天寒橘柚青
蝸涎緣畫壁蛛網綴函經睡起成長嘆浮生一草亭

又

眼花風瑟瑟心緒雨絲絲狡兔成三窟鷓鴣寄一枝

青雲慚故友白髮感新知最好南山石相看可樂飢

又

日移棋局晚山落酒盃寒欄蝶穿花濕窓禽飲硯乾
夢魂空宛句音問阻長干多病文園客秋來強自安

春晚書懷

東吳喪亂後消息竟何如日望平安信空傳報捷書
壯心徒感激老淚獨欷歔坐對垂楊晚行人江上疎

又

江黑雨將至水高潮正來花隨兩岬別鷗逐片帆開
世治逢多難吾生愧不才飄零添白髮見者莫驚猜

寄靜庵上人

細雨桐花晚微風麥氣秋
王符偏好學宋王不勝愁
世事同蕉鹿人心類棘猴
何時虎溪上還共遠門遊
憶姪景

相望亦何遠夢中頻見之
干戈連數歲書間動經時
寂寞揚雄賦飄零杜甫詩
江東春樹綠偏重呵成思

又

自汝南臺去棲遲兩見春
鼓鞞江上月烽火海邊塵
衰病全非昔傳聞總不真
近知更大將旗幟一時新
憶吳會草堂芭蕉寄汪仲恭

別後芭蕉樹青青定長成
月移窓上影雨送枕邊聲
愛惜煩吾友飄零愧此生
更需花實大同飲露華清

和馬仲臯立秋韻

酒盡青山莫書從白鴈過
長風斷䟽雨缺月掛明河
故國逢人少新秋到客多
不知滄海上何日罷干戈

又

一向城東住荒涼客少過
蒹葭雷時送雨阿老忽成河
自許丹心在誰嗤白髮多
平生二三策可是勝橫戈

題朱質夫東塾草堂

幽人海昌任草屋向村墟
擊竹頻呼鶴分泉謾種魚

梨花春巷冷榆葉夜窓虛
細雨篝燈火匡床正讀書
題與也秋江墨蹟

滄江渺何許歲晚正愁予
密諫囊無橐間吟卷有書
青天來鷺鷥秋水照芙蓉
風致今誰似令人憶使車
贈李可度

當年丞相掾孤劍泊天涯
白日懸心事青春老鬢華
定憐鴻有路終愧燕無家
志士須聞道人情付落花
赴京道中

風雨新河口孤舟此日行
送多親友義別見弟兄情
路識春山熟洲迷雪水生
臨岐重回首一鴈起江城

茅市簡友人

願我行方遠憐君意倍親
雪蓬依渡口雨笠待河濱
酒熟還留飲詩成不厭貧
相期重下馬花柳隔年春

贈張士方

昔年東海上曾共綉衣行
小吏啣冤久分司用法平
江沙清可數海月晦還生
陰德今誰似于公有令名
以拄杖贈程以文先生

海上恍榔樹殷勤舉一枝
功能扶正直力可濟顛危
文玉膚生潤玄犀質換奇
何時同野服江海遠相期
茂上人古木圖

老龍起聽法駝骨在空山雲迴青天潤風來白日閑
曲身雖偃蹇直氣自孱顏株坐誰偏似禪歸晝掩關

鵬窩驛

鵬鷲入雲去空巖遺舊窩冷烟迎日少晴雪背陰多
擾擾群鳥集蕭蕭數騎過此時孤館客歸思竟如何

洪棧驛

萬壑從東下群峰向北圍牛車絙水去驢馱負薪歸
隙日斜窺戶尖風直透衣羈懷正無賴一鶚向南飛

王元吉蘿月山房

每愛城南宅空庭坐夜分陰垂青裊裊光漏白紛紛

卷幔飄花露開尊度碧雲何時奉薜荔猿鶴與同群

教上人蒲室

上人蒲作室絕似睦州禪父母今誰養弟兄惟汝賢
齋房連紫竹佛座擁紅蓮明日長蘆去春江正拍天

許光遠先世讀書樓

高樓當海上有客正看書門對千峰暝闌回萬象虛
榜聲飛宿鳥燈影避潛魚留得題詩在諸孫更卜居

會稽韓道士滄洲

風雨四山至空江生早寒白鷗秋水上海鷓莫雲端
枉若人移棹蓬萊客倚闌何時分一曲同把釣魚竿

貢禮部玩齋集卷之三終

貢禮部玩齋集卷之四

宛陵貢師泰著

會稽沈性編

七言律詩

和石田馬學士殿試後韻

丁卯歲學士與先君同為讀卷官在院倡
和甚多此則放榜後所作韻也

春風馳道入宮墻青瑣深沉引夕郎
草染綠波生太液花扶紅日上披香
聲名已重千金璧恩寵方隆七寶牀
治世斯文今極盛九天星斗自成章

送賈有恒赴潞城縣令

上黨人參五葉齊
郎君今日馬行西
滿溪藍水魚初
上繞縣青山鷺亂啼
小吏報籌衙欲退
長官封印手
還題洛陽自古多才思
好賦新詩寫赫蹠

送陳太祝使江浙收禮器樂書二首

天子齊明奉宗廟
容臺祇飭備儀章
雲雷出地雕爨
鼎日月懸天畫
袞裳駟騎晝停山
木蔭船窓風度水
花涼過家莫醉紅樓
月上國迴鸞欲啼嘗

六月樓船泛御河
太平樂譜自編摩
鳳鳴懈谷曾吹
律馬出蒲稍更作歌
古尺要將諸部定
新聲還用四

清和器成早入神庭
奏人頌明時瑞應多

壽夔夔子山學士

上林春滿樹蒼蒼
別殿新頒外國香
龍虎風雲依日
馭斗牛河漢列天章
瀛洲勅賜黃金榜
學士名高白玉堂
千載太平今有在
文昌高映紫微光

崇真宮醮罷勅畫吳宗師像

海日曛曛照九衢
霓旌霞飾擁高居
尚方勅畫僊官
像中使傳宣學士書
劒氣朝寒垂白練
丹光夜暖出
紅蕖石壇醮罷清如水
猶聽松陰起步虛

贈盧醫

豫章盧斌好遠遊落魄燕臺今白頭酒家不識灤都
尉女子迺知韓伯休天茄結實庭戶晚山藥作花籬
落秋投老欲歸尋舊隱忽騎孤鶴過揚州

畫馬

漢家旌節渡流沙奪得戎王鐵喙騎天上白魚秋弄
影月中玄兔夜生花九圍妙入將軍筆八駿神空阿
母家獨控奚官更超絕長揪錦隊謾如霞

送黎兵胡萬戶南還

將軍仗策去安邊詔下東南萬里天雲海旌麾翥玉
帳春江鼓角載樓船黎人滿溜檣柳水漲戶齊分壯

礪田遙想軍中無一事坐驅千騎獵平川

送陶翁歸豫章

秋雨初晴擺檣香蟹紅魚白憶江鄉十年客枕鷄聲
月千里歸帆鴈背霜入室親朋羅酒饌上堂兒女挽
衣裳逢人莫說京華事漢署今無白髮郎

費秀才進所著春秋歸

雲滿青山雪滿頭一生辛苦著春秋抱書不向公車
獻遣使須煩謁者求翁子行年當富貴虞卿終老豈
窮愁玉盃繁露應非舊更請先生爲校讐

送壽弘毅應奉赴興國路經歷

院門深鎖落松花東接蓬萊小海斜絳蠟夜深催視
草紫泥春早聽宣麻鳳凰池上人辭直鴻鴈江南客
過家懷府秋來清似水吟詩應對白鷗沙

次泗安光上人韻是日聞有供奉之除

水氣朝寒生白烟寺前楊柳繫吳船佛燈紅映流蘇
座僧榻青栽海艾穗書報誤叨金馬召厨空應愧木
魚懸定知別後相思處楓葉蘆花宛句邊

天壽節日大明宮朝罷口占柬張約中博士
金門珠箔轉迴廊文武分班有舊章花露重沾腰珮
濕松風輕度鬢絲涼仗隨騏驎通朝貢盃進夔龍祝

壽康最喜大常張博士清標如雪照鵷行

江浙獻嘉禾賀丞相朶公

玉燭金穰屬化鈞九農和氣洽深仁靈根獨占山河
秀顆粒先迴宇宙春天上畫圖方入貢江南簫鼓正
迎神作書願紀成周治慙愧無才備史臣

南城試院和張仲舉博士

紅燭搖光坐夜分學宮魚鑰鎖重門歸心已逐南湖
鴈壯志空慚北海鯤旁几香添霜漸冷隔簾燈過月
微昏校文歸向西曹日會送夔龍謁至尊

送林希元應奉赴上虞縣尹

居庸雪消河水深南行賴有買舟金相如多病因能
賦東野長貧爲苦吟已許姓名辭鳳闕更傳聲價到
鷄林白頭作縣臨東海誰識先生去住心

送余廷季赴海東僉憲

綠髮相從白髮生都門握手倍多情論交豈少新朋
友對酒何如老弟兄玉節綉衣江上騎苑花宮柳日
邊鴛使星一夜移東海定遣文章到兩京

試院和周伯溫待制韻

群僊盛集瀛洲館丹旂夫容徹夜開斗下璿魁聯外
府坐間珠唾落中台黃封酒醉賓筵散絳蠟紗籠佩

馬迴禮樂光華當此日九重側席正需才

送蘇伯備侍郎赴淮東廉使

黃金臺上受新恩還向長陽謁至尊行殿曉寒頒玉
節驛亭春暖簇朱轡青蒲葉短烟波闊黃柳枝長雪
水渾別後新詩好相寄廣陵冠蓋接都門

送吏部郎中王可表出守棣州

別殿春深奏選歸雙旌新賜出王畿齊東山水開船
近天上星辰聽履稀竹馬總來迎使節金魚猶似掛
朝衣遙知宸政還車日定草封章謁紫薇

題張真人父一間堂

真人騎鶴下蓬萊詔許諸孫次第來玉佩春隨黃道
轉綠章夜並紫雲開香分別殿傳中使書賜名山映
上台還向僊都拜家慶碧飛千樹擁霞杯

送周舍人赴山南宣慰司照磨

紫衣袖窄金圍重花底傳呼出殿遲欲向新年開幕
府還思舊日進朝儀雪寒淮水魚方出歲晚江陵橘
尚垂料得中朝盡知己重來應是不多時

送篤敬夫赴南臺御史

御街初日柳稍紅鷹角新冠出禁中天上使華恩詔
密江南民瘼奏書通九霄風送孤飛鷲萬里雲隨一

騎驄欲把真心酬聖主青松多種石臺東

題四川張萬戶夫人貞節卷

白帝樓前巷陌深將軍旌旆正沉沉玉簫聲斷孤鸞
曲綠綺絃空別鶴吟豈是人生輕一羽要知妾死重
千金春風冢上連枝樹只有韓憑會此心

贈僊居散人

青山四面玉嵯峩中有山人隱薜蘿細雨閑門芳草
滿微風深澗落花多童窺丹竈時驚鶴客寫黃庭欲
換鵝我亦平生愛疏散春來應許謝朝珂

送道士王仲遠還江州玄妙觀就東李于威

太守

羽節參差佩陸離蓬萊坊裏日偏遲花邊奏簡雙鸞
至松下携琴一鶴隨白日常過燕市飯青春忽動庾
樓思江州太守吾知己爲說年來鬢已絲

送大都路陳學錄使往江浙造祭器雅樂

世祖投戈事遠豆素王宮殿在南城百年禮樂當今
日一代文華寄此行潞水朝寒初過鴈浙江春晚尚
啼鶯還鄉莫爲尊鱸遲祀典由來重兩京

送呂師賢赴山北憲史

白日微沉曙色紅憐君書劍別匆匆臺高日望群鳥

北海闌雲隨一鶴東俗古尚遺箕子教官清還慕伯
夷風遙知六轡巡行處馬上看山日日同

送東流葉縣尹

江流東下縣南遷一簇人烟野岬邊荻笋洲青鷗鳥
狎楊花浪白鱗魚鮮印來聚吏排衙鼓社到隨民出
俸錢應是綉衣行部處攔街齊頌長官賢

壽吳宗師

帝遣真僊位上卿五城迢遞接蓬瀛雲浮紫氣旌幢
潤日射紅光劔佩明池館晝閑教鶴舞江湖歲晚結
鷗盟軒轅曾訪長生術應信崆峒有廣成

贈毛李祥還江南

白面書生江漢客幾年琴劍落京華
聞雞曾度居庸雪立馬還看上苑花
楊柳枝長方去國薜蘿葉短已還家
遙知綵袖娛親處酒暈微生兩臉霞

送臺典張子誠辟山北憲史

夫容幙府清如水愛子新來意氣多天
近烏臺依執法風清蕙閣聽鳴珂
燕山北望千峰盡遼海東迴一騎過
刀筆曾爲漢丞相起家應不愧蕭何

送安南使者黎括省之

四海光華明主德萬方奔走遠臣心
來依北斗朝闈闔歸逐南流過鬱林
柳子酒酣歌蹋蹋刺桐花落馬駸駸
遙知下國郊迎日首啟金函播玉音

送舒亦誠南歸

芳草生庭履跡稀棠梨花落燕交飛
題詩忽報客將去出戶却知春已歸
天上雲開黃鵠健江南水長白魚肥
人生寂是閒中樂早晚相從賦式微

送黃子中南還

雪風吹寒春尚遲暗黃恰上楊柳枝
東門立馬旋沽酒南浦停舟還賦詩
去路間關須約伴到家歡喜總忘疲
相如自是多才思未必閒居兩鬢絲

廣微天師祈雪有應詩以美之

九枝鐙照碧壇空
龍虎旗高滿殿風
綠簡夜深朝玉陛
素幢春淺拂珠宮
一天凍色星河合
萬里冰華陸海同
明日內家應錫宴
綵符爭取綴釵蟲

送王彬叔赴淮西憲史

黃金築臺高嵯峩
抱犢憐君日日過
丹鳳嚙書辭龔闕
白魚供酒過淮河
京華遠去交游少
幙府新來贊畫多
料得聲名從此起
分司行處聽民歌

送連子奇歸隱贛州

薊門風冷白鵝來
萬里孤舟一日開
去路定過彭澤

縣到家重上鬱孤臺
煮茶林下收黃葉
理釣磯邊掃綠苔
太史明朝占處士
少微依舊傍三台

送馬叔敬赴江西醫學提舉

柳花飛盡綠陰多
萬里歸船發御河
自嘆官間無客到
却憐君去有誰過
丹成海上收瑤草
酒熟江南醉碧荷
何日定將醫國手
爲民談笑起沉痾

送黃季亨赴永嘉松山巡檢

萬里船開直到門
江南楊柳雪紛紛
馬前士卒爭誇武
坐上將軍喜論文
夜月村深宜紡績
春風海熟稱耕耘
舊時逸少曾遊處
綠水青山帶夕曛

題河間榮溥孝義堂溥嘗事哈散丞相既被
罪衆皆散溥獨收尸以葬後又白其寃得復
封爵今溥官

亦至四品云

丞相門前客如市一落陷阱烟塵空解衣哭尸壯士
志吞炭報生前人風氣摧青山作平地精貫白日成
長虹當時富貴不復見惟有節義垂無窮

上都詐馬大燕

紫雲扶日上璇題萬騎來朝隊仗齊織翠轡長攢孔
雀鏤金鞍重嵌文犀行迎御輦爭先避立近天墀不

敢嘶十二街頭人聚看傳言丞相過沙堤

樓閣別殿擁僊曹寶蓋沉沉御座高丹鳳啣珠裝騁

裏玉龍蟠甕注葡萄百年典禮威儀盛一代表冠意

氣豪中使傳宣捲珠箔日華偏照鬱金袍

卿雲弄彩日重暉一色金沙接翠微野韭露肥黃鼠

出地椒風軟白翎飛水精殿上開珠扇雲母屏中見

衮衣走馬何人偏醉甚錦鞬賜得海青歸

簫韶九奏南風起沙燕高低撲繡簾醺醪酒多杯迭

進鷓鴣香少火重添舊分宮錦綠衣禡新賜奩珠篸

帽簷日午大官供異味金盤更換水晶盃

清涼上國勝瑤池四海梯航燕一時豈謂朝廷誇盛
大要同民物樂雍熙當筵受几存周禮拔劍論功
漢儀此日從官多獻賦何人爲誦武公詩

過柳河

野曠山寒露易霜短榆疎柳路茫茫雨來黃潦聚成
海風過白沙堆作岡驛館到時逢數騎馳車宿處錯
群羊客懷政爾無聊賴忽見南飛鴈一行

將干嶺

病體朝來正苦寒驛程又報度將干出門莫怪山谿
險到嶺不知天地寬鶴背旋風欺客帽馬頭飛雪點

征鞍此中自是莫仙培何用吹笙駕玉鸞

榆林有感

老夫白髮已如許山後馳驅動數年正爲貧民均馬
政何嫌富戶倍車錢人生要在心無愧物論難齊理
自然欲盡微忠報明主簡書深夜手重編

送上都吳學錄歸河東就試

驅車直渡灤河水千里青山半月伊自信文章當世
用人言書劍到家榮上林久已稱司馬宣室終須召
賈生料得鳳池春色滿柳陰立馬共聽鶯

上京和周伯溫御史韻

漢室論功誰最多封侯第一是蕭何從知將相元無
種却笑神仙亦有魔映月蠹魚成牀望倚風飛燕避
淘河憑闌欲說行藏事萬里長空碧似磨

挽李千戶

灤陽草色易黃昏忽報將軍號令新落日青山移石
壘西風白野動邊塵雙弓直挫三千士一劍長先五
百人太史已書忠孝節佇看高塚卧麒麟

榆林道中

兩行官柳夾長隄縷縷青絲拂面齊馬上聽來渾似
醉客中詩就却忘題一大如暑都成雨百里平沙不

作泥自笑微臣頻扈從年年載筆度山溪

興安道中

萬重山後人行路五百年前古戰場落日扮榆接鷄
犬秋風禾黍沒牛羊自逢治化躋堯舜誰論封疆過
漢唐慙愧小臣無補報清時白髮許徜徉

寄王魯川推官

公庭草綠訟聲稀時見雙雙缺蝶飛曹吏盡隨衙鼓
散理官獨抱獄書歸曾同太守行紅旆更與高僧別
翠微近報南臺多辟薦殿前早晚賜朝衣

送胡斯文辟南臺掾

鳳凰臺下水東流潮去潮來白石頭細雨一帆人到
岬清風兩袖客登樓暮開江上紅蓮日書寄山中碧
樹秋珍重此行多意氣繡衣玉節定重游

送倪秀才從學維揚

日日南風吹水立掛帆撻鼓下舲艘青山落酒鸞到
岬明月照書還倚窻文章少年誰第一才華近日子
無雙綵衣在篋須頻着歲晚還時鶴遇江

送孟景章赴廬州判官

先帝初開太禧院一時郎吏盡瓌奇名高闕下心如
鐵官到淮南鬢已絲月照寒庭空視牘雲開秋興偶

成山舊遊天上多相憶早折梅花寄所思

送友人還錢唐

海門飛雪涌潮頭萬里乘風起壯遊隔岬爭呼楊柳
渡到家先買浙江樓才高班馬非無賦世治蘇張似
少謀賴有玉堂知已在人生何必定封侯

送宋仁甫赴池州陰陽教授

北風吹雪路漫漫萬里荆門客正寒自愛青衫同博
士也勝白髮老長安城南款段此時別江上夫容到
日君我亦春來買舟去九華絕頂望揚瀾

贈日者范竹友

溪流繞屋綠如苔
箇箇琅玕手自栽
勁節久宜君子號
清懷近爲故人開
夜窓風雨驚龍起
秋谷烟霞待鶴來
誰似丹陽袁太守
時時車騎一裴回

送吳師禮赴池州直學

大江西下九華東
古殿重扉鎖學宮
載酒蒲船歌白苧
題詩送客億青楓
蒲蓮歲熟倉箱實
鹿豕秋肥俎豆豐
遙想郡齋多暇日
壺觴時在翠微中

題括蒼潘照磨具慶堂

十年孤客三尺劍
七袞雙親萬里家
江上離歌催疊嶂
山中壽酒酌流霞
登堂白髮同鳩杖
繞徑紅顏共

鹿車莫羨飛丹似
霜雪括蒼品畔有松花

送徐復初辟掾南臺

闔閭城外望金陵
千里江流一帶青
桃葉風生催客渡
杏花雨過別郵亭
黃金臺上書方到
采石磯邊酒卻醒
應是紀綱多暇日
綠陰清晝坐閒庭

芝庭爲吳中靈子文賦

斜闌曲檻護春晴
五色金花照眼明
南極星低疑瑞采
東吳雲近結華英
封書欲跨青鸞奏
上壽還隨白鹿行
謝氏諸郎才揔俊
唯應幼度寂知名

送醫士王安重

蒲天風露氣蒼蒼十一臺高桂子香白兔夜寒分玉
白紅蓮春暖長沙床上醫名就肱三折大藥功成視
一方海上謾傳瓜五色長生元不遠昌陽

贈寫神鏡塘上人歸京口

鶴翎風動碧天涼寶月新凝百鍊霜水面散成千種
影波心元只一輪光玉簪道士來空室金粟維摩現
十方此去要觀真瀆相却收畫本過維揚

別周鍊師雲臺真館

二十八將已僊去真館有臺名偶同白鶴千年來故
國青山萬疊起神宮有時採藥幽澗底無事種花深

谷中昨夜曾驚龍虎出一壇明月滿旗風

送周希元高士歸廬山

萬里江湖第一關波濤洶涌接廬山九華雲度青天
闕五老峰迴白日間鍊藥房中猿候火散花壇上鶴
隨班何時倚棹清溪曲一笑相從覓大還

送韓執中還錢唐

萬里長江風浪多拂衣長別意如何獻書賈誼非無
術決策揚雄自有科羽檄定逢河上捷畫船還聽越
中歌何時乞取閒身去共倚湖亭醉碧荷

題廬山楊宗鄉思求樓

危樓百尺倚匡廬西蜀衣冠幾世居對客每傾桑落
酒傳家猶有草玄書天寒倚柱招黃鶴日莫憑闌數
白魚萬里岷峨歸未得亂雲飛處正愁予

新蝶

杏樹生香蠹化成向人飛下不勝情寒辭薄翅猶粘
粉暖溢柔鬢始弄晴燕舞盤中嫌露重鶯歌扇底避
風輕春閨未解南華夢乞與滕王爲寫生

月舫爲袁鍊師賦

老龍吹浪滿江湖雪兔西飛碧落孤大乙方乘蓮一
葉藥僊還倚樹三珠開窻白露沾瓊佩對酒寒光射

玉壺萬頃秋波看不盡却携靈藥上玄都

送成誼叔應奉分院上京并呈謝敬德學士

太平天子重時巡首詔詞林擢侍臣書載駝車隨劔
珮射從熊館代絲綸片雲忽送摩姑雨五月方開芍
藥春想得班揚才龍瞻龍山立馬賦詩頻

柬呂仲實左丞

十五年前舊供奉一官留滯越王城不因左轄輸公
道誰向南州進老生史學是非從筆削人才輕重在
權衡甘泉奏對歸來晚猶草封章獻治平

送趙國瑞舍人赴澤州同知

太行雲起亂山青
馬上風吹別酒醒
試論文章惟晉國
還思典禮在虞廷
賣刀民化耕春雨
佐印官清戴曉星
迴首晴霄十萬里
大鵬終見徒南溟

送明原道赴南豐判官

日華西轉萬年枝
記得甘泉奏賦歸
佩馬新迎州倅節
緋魚舊賜從臣衣
詩成江驛梅花瘦
酒醒山城蕨菜肥
爲謝南豐舊詩友
白鷗春夢繞苔磯

送江西傅與礪赴廣州教授

買得吳船便欲東
更騎羸馬別諸公
文聲久許江西

孟詩律 因歸海外工人羨
義陽封介子客從忝時薦

抄雄五羊城下南風起
茉莉花香荔子紅

彭叔輿赴尼山書院長

少年才學動儀曹
旋賜朝衣換鵝袍
萬水東歸滄海闊
千崖北拱岱山高
杏花壇近蒸紅雪
楷木林深漲碧濤
珍重此行多令譽
古來齊魯出英豪

寄郡士陶公美

問君生事竟何如
亂石溪邊小卜居
止酒久知揮白墮
論詩今喜到黃初
天塞門外數株柳
歲晚山中一束書
賴得西庄頗相近
蒼頭時遣寄雙魚
天寒落葉滿庭臯
此夕思君正鬱陶
百里青山來款

段一庭明月舞豪曹賈生未遇才因大王粲雖窮氣
自高何事相逢又相別且燒紅蠟醉春醪

輓侯敬文秀才

客裏青燈二十年手書細字動成編扁舟觸熱方辭
館孤劔橫秋已夢僊山下數椽仍舊屋溪南半頃足
新田可憐鉅鹿侯芭去誰與楊雄論太玄

采石和劉顯仁卽事韻

下水春生巴蜀雪上江人駕武昌船晚風天外三弄
笛落日淮南一簇烟斷岬淺莎行獨鶴危磯倒樹立
雙鸞綵霞又報明朝霽瑟瑟紅光萬縷懸

徐州

白雲天際散如衣四面青山落水涯鑿石空遺唐將
廟連峰猶豎漢臣旗魚龍浪挾黃樓動牛斗星隨碧
漢垂醉倚船窓問河伯濁流何日是清時

冠州

萬里關山鬢易華冠州橋下御河斜千門烟冷分榆
火三月春寒見杏花新水聚船人趁市順風吹旆客
還家莫憐書劔頻漂泊擬學東陵老種瓜

送汪生還江南

漕河水泮水溶溶百尺帆開五兩風戲綵歸人從海

上倚門慈母間遼東漁旨荻筍灣灣綠酒旆桃花處
處紅莫向江南久留滯龍山還有北來鴻

送賈舍人赴廣東宣慰司照磨

五月南風起舳艫番禺曾是趙王居貔貅萬竈新
趨幕虎豹千門舊直廬茉莉編籬香旖旎蔓藤接屋影
扶踈故人畫諾如流水報政還應得取書

代祀還呈太師

丞相傳宣出紫宸鶯花萬里浙江春捷書近已擒豺
虎瑞紀還先慶鳳麟宇宙經綸歸聖主山河帶礪屬
元臣幾迴疑拂雲霄上夜夜三台拱北辰

年來供奉屢遷官聖主恩同宇宙寬左部正慚疏吏
積西曹仍許進儒冠清時有道遭逢易白髮無才補
報難却上船頭望江月天風吹露不勝寒

新州寄馮養素彥明二都水丞

天子時巡猶北駐詞臣將命許南行遠聞都水來新
濟到說分司在鄆城玉節遙知連海潤金函近見報
河清丈夫莫爲離愁惜要把文章佐太平

朱仲文編脩還江西諸公分題賦詩爲餞予

適同載南歸約至楊子橋分別因爲賦此
瓜州渡口山如浪楊子橋頭水似雲夾岬夫渠紅旂

旄滿汀楊柳綠紛紜一杯酒向今朝別萬里船從此
處分他日重來須艤棹莫教驚散白鷗群

邳州和劉顯臣韻

吳船蕩漾一毫輕楚客飄零萬里情驟雨挾雲行斷
岬亂山湧浪入孤城黃河風起鷗無侶紫塞春深鴈
有程莫怪仲宣多感慨朝來白髮鏡中生

晚泊邳州

一帶黃河百折灣下邳城外更潺湲烟迷兩岬疑無
地日落中原喜有山法重鹽租嚴犯界官多魚稅倍
征關白頭父老相逢處猶似圯橋授履還

彭城懷古

戲馬臺前擁旆旌三齊纔破到彭城項王帳底猶虞
舞漢祖軍中盡楚聲百二山河功自棄八千弟子勢
都傾月明間卻烏江渡長使英雄恨不平

崔鎮喜邵少監至

伊君五月渡黃河白髮依然壯志多且喜掛帆來舊
約何妨釃酒起高歌船頭北斗五更落舵尾南風連
夜過自笑驅馳成底事瀟湖間却釣魚簑

高郵夜泊

薄莫秦郵聚客船孤城三面接水田戍樓月映高低

雲漢市星搖上下天千里綠蕪分曙色萬家紅粟起
炊烟南風忽乞舟人便幅幅蒲帆盡北懸

楊州別幹克莊僉憲

紅日東生綠霞妝海風吹客到楊州露分僊掌金盤
冷香動瓊花玉樹秋使者乘驄開大府僊人騎鶴醉
尚樓朝來別我垂楊畔珂佩如雲簇水頭

婁家港祠神回寄元臣僉憲子約監郡

香海上祠神罷獨駕樓船夜半迴萬里長風催掛
巾一天明月阻登臺綉衣人仰邦侯至玉節官分水
可才只尺相望不相見白蘋洲渚重裴回

江陰君山次陸子方韻

畫橋垂柳傍官壕夾岬青山擁雪濤楚相丘墟遺石
馬楚王宮殿壓金鰲天迷鴻鴈江流闊風撼魚龍海
氣高此日登臨無限意古今消盡幾英豪

輓汪尚書妻譙國夫人

尚書謝政江南去特許夫人大國封春日堂尊酒
共歲時環坐綵衣重離鸞忽奏雲中瑟別鶴還歸隴
上松白髮夫君正愁絕空江何處採夫容

輓王君佐秀才

十里青山宅一區平生甘分隱樵漁新詩自寫因求

序故篋常隨爲教書杖屨在門人去遠壺觴掛壁客
來疏白雲滿地松陰冷孤鶴時時守墓廬

和楊德章監憲詠物詩

僊子初裁蜀錦裳玉壺清映內家粧一百五日花尚
好三十六宮春正長新綠漸生應帶露舊紅微褪爲
經霜自從深院留題後一任東風上下狂右瓶中百
日海棠
僊標厭入錦雲鄉却傲冰霜取次芳銀燭高燒遊太
液紫綿初拂侍明光春攬杏帶微生暈暖漏梅梢欲
試粧不是東君偏耐冷要將風韻入詩囊右冬日海
棠

送蜀士史道章訪蕃昌張縣尹

上江船裏枕書看雪浪千堆寄一翰太白山人元蜀
學蕃昌縣令只儒冠渚花對酒公庭晚沙草憐衣客
路寒携得琅玕滿歸袖謝公堂在碧雲端

送赴試春官

水落沙痕寄岬齊冬深無雪齋生泥遙知上馬徐州
北且看開船句水西待詔門開金驥裏榮恩燕賜玉
備提若將文字追時好萬里雲霄自有梯

送內官棄職買書歸蜀立三賢祠

內官買書三十萬從此聲名天下知正爲身輕歸印
早不妨船重到家遲客非杜甫依嚴日人是文翁化

羅時愧我無由能載酒敲門頻問子雲奇

輓陳公轄縣尹

短衣垂脛寄遺孤自立聲名重里閭座上昇彝前代
器篋中經史外家書縣花春老初封印庭藥秋慵爨
廢勑惆悵冰壺清絕處露寒應是泣蟾蜍

峨眉山

霧作衣裳雲作屏玻璃萬頃着娉婷望夫石上偏多
雨織女河邊欲墮星蟬鍊夏涼妝淺絳蟾蜍秋冷抹
長青可憐天際微顰處六代興亡一夢醒

詠姚氏瑞蓮

雨洗瑤池六月涼侍兒初試錦雲囊花開雙鳳迷歌
扇下綴群蜂背蜜房波淨忽成溪女匹露寒却笑月
娥嬌合歡帳底鴛鴦夢臂枕猶聯玉雪香

題丁元善鍊師陽明樓

賀老家西百尺樓好山多處稱僊遊丹光散作霞千
縷劔氣吹成月一鉤窓外鶴歸遼海暮袖中龍起鑑
湖秋道人久直黃金殿可使歸來雪蒲頭

謝李衡上人惠松花湯餅

雲門寺裏青松樹五月南風花正香膜粉輕披魚子
白藥珠重綴蜜脾黃餅和甘露曾分送湯合僊霞更

共嘗慚愧老僧多意氣一杯毛骨盡清涼

送國子掌儀魏居仁還山東

京國相逢二十年當時綠髮盡華顛升堂獻贊吾居
後立館司儀子在先夜雨溪聲連客枕夕陽山色蒲
歸船古來齊魯多奇士側耳聲名起日邊

贈淵上人住涇縣延壽寺

半生辛苦在城西脩竹蒲園蔬蒲畦正愛閒雲依疊
嶂忽隨流水度三溪藤花院靜禪初定榭葉村深路
欲迷此去莫憐知己少青山到處好留題

登會稽寶林寺塔

百尺浮圖東海上晴天目力見秋毫莫愁風露衣裳
薄且喜雲霄步武高屋角長松來鶴背城頭荒草落
鴻毛闌干倚遍心猶壯更待持杯酌雪濤

送山陰賈縣尹

公吏呼籌催坐衙朝朝下馬事如麻三年作官惟飲
水萬里還朝先過家賈傳席前因獻策潘郎縣裏只
栽花江船明日西興渡兩岬青山白鴈斜

和王繼學憲使玉泉觀魚韻

一方寒玉浸冷冷天上雲開影倒青卓錫黃龍曾聽
法撫闌頽鯉亦通靈明珠碎逐涼風散濕翠空圍月

露零此日使君行樂處一時民俗自清寧

陪使少監海備撰飲西湖

十年不到西湖上此日重來意倍親
尊酒暫陪天上使畫船猶待水邊人
題詩香漬箋花舊度曲聲傳玉樹
新歸醉小樓明月曙開元鍾鼓正朝真

送外兄李學父

鷓鴣涼雨睡偏宜正是敲門下馬時
萬里風塵從戍早十年江海到家遲
書持使節真行錦春上萊衣欲繡絲
且買樓船醉雙玉紅蓮白藕蒲西池

送醫士張景遠歸太平之黃池

決塘雨白水平堤有客撐船繫屋西
司馬賦多方病洵葛洪卅熟尚封泥
蒲階花落惟金鳳開戶香來是木犀
昨夜月明天似水櫂聲不覺過龍谿

劉山驛

開窓坐看千峰頂對酒還思萬里程
飛雨遠隨松子落濕雲近向樹頭生
正愁絕壁鳥鳶背忽聽半空鷄犬聲
安得身騎遼海鶴徧遊八極醉吹笙

出大橫道中

朝來數騎嶺頭過忽見青山障白波
候吏報來先擊鼓販鮮船至盡吹螺
南邊治久烟塵少天上恩深雨

露多料得祝釐還報日春風楊柳滿官河

武夷道中

蒼龍飛起崖中斷九曲溪流直上天駕壑舟船遺故
物幔亭簫管會真隣大玉巖上雲初散玉女門前月
正圓醉裡謹歌聲未已忽看孤鶴下翩翩

贈漳南巡檢許以衷

將軍早獻安邊策手挽強弓起七閩正爲功名輕萬
里已知勇畧冠千人風鳴鼓角山村曉日射旌旗海
戍春匹馬何時渡江水笑談爲國掃妖氛

懷安縣別莊嘉監憲

荔枝食罷龍眼熟此日閩南使者過得俸莫嫌三月
少買舟已覺一時多盟鷗狎舞迎歸櫂別騎驕嘶動
佩珂酒醒青天明月上思君迢遞奈愁何

建寧得宣州家書

江上千戈猶未息此身何處可偷安居民戰死終無
援主將逃生竟被殘已報老妻來太末尚憐孤姪寄
長干扁舟十日閩溪上恨不身生兩羽翰

題樂逸軒

山下長溪溪上村溪山如畫正當門遣懷詩就題蕉
葉理釣船歸繫柳根問姓不教通郡縣買書只許遺

兒孫相望只是柴桑里何日從君酒一尊

題宋仁甫樂山亭

當陽城外碧嵯峨獨構危亭意若何嵐氣漸來簷角
少水聲偏向石稜多青雲鶴慣荊州舞白雪人傳郢
上歌何事近來真得趣新松十萬在巖阿

建德城西寺

山門東轉步廊深長日禪房占綠陰松逕雨晴添虎
跡竹潭風冷聽龍吟上林久說相如賦故里徒誇季
子金獨坐胡床看明月不知涼露濕衣襟

蘭溪胡仁中家喜雨

赤日行空勢似焚老龍一起雨翻盆美蕖趁水紅侵
岬穉稔盈疇綠繞門自是風雲當盛會從知天地有
深恩朝來熟睡南窓醒却憶樂陽從至尊
龍公夜捲天河水散作虛空風雨聲豈獨榮華霑潤
澤要令枯槁遂生成藥欄雙蝶凌晨舞草岬群蛙徹
夜鳴造化功神竟無迹披衣默默坐前榮

江山縣

萬山深處開孤縣下馬入門風蒲庭雨脚遠垂松澗
白雲陰低覆稻田青已知賣劍人歸野還憶彈琴客
在亭安得寰區肯卓魯晁書時復報虞廷

台州留別林希元

三年直閣常懷士萬里乘槎許問津
滄海日華中夜曉赤城霞氣四時春
謝公高卧元非隱陶令歸來豈爲貧
白髮清心自多壽更從何處覓僊人

贈天台李鍊師

翠蛟青鳳下晴空家住天台第幾重
歲久松脂成琥珀夜深丹氣出夫容
僊童奏簡騎文虎太乙懸旗起絳龍
昨夜從師到天上故山還著白雲封

題天台方氏山亭

赤城霞氣燭天起四面窓開碧樹涼
山鳥晝啼深竹

裏溪魚晚近落花旁茯苓酒共僊人飲
蛤蜊盤分野老嘗何日授簪東海去
秋風同制芰荷香

過鴈山

王事驅馳敢厭勞秋風白髮氣猶豪
八千餘里行正遠四十九盤山更高
石壁連雲愁鳥道海門飛雪壯鯨濤
同遊賴有孫公子時遣新詩浣鬱陶

建寧道中

雙玉山前溪水流朝來風雨暗灘頭
舟穿亂石方停棹驛傍空巖更近樓
江海十年飛野鶴乾坤萬里蕩沙鷗
七閩見說多凋弊莫爲尊鱸動客愁

延平

樓閣近依山上下市橋橫接岬東西四時雲氣浮孤
堞萬壑泉流會一溪道學已同濂洛盛劔光猶與斗
牛齊延平祠下歸來晚獨對寒燈待曉鷄

蒜嶺道中

溪雲帖帖雨沉沉頓覺新寒薄莫侵待渡人歸榕葉
岬過山驛候荔支林清游暫作還鄉客白髮難忘報
國心莫哄行囊輕似羽一錢元自重千金

泉州驛別太守僕世玉

老夫欲起猶便睡候吏頻催却治行萬里烟雲隨驥

是五更風雨雜鷄聲乾坤笑我應無補江海逢君倍
有情且鮮金魚沽別酒洛陽橋下正潮平

賦韶州王太守養老園

手種蒲園桃李樹東風披拂爛如霞歌催金縷停鳩
杖酒注銀瓶載鹿車白日青春間衛戟碧溪流水護
僊家使君自是吹簫侶不記菖蒲幾度華

漳州

漳南五縣半溪洞狂獠恃險時縱橫巨蛇吞豕出當
道猛虎搏人行近城如何百年漸禮化尚爾兩度煩
天兵頑愚無知固可悼承宣亦合思廉平

王泉爲宜春黃子中賦

銀河迸落青天上，盡作山中風雨聲。
溪岬碧桃千歲在，石田瑤草四時生。
雲流空洞潛蛟舞，月涌潺湲睡鶴驚。
幾度秋高環珮冷，瓊僊吹笛過蓬瀛。

風溼舟中

白髮飄蕭寄短篷，春深盃酒憶曾同。
落花洲渚鷗迎雨，芳草池塘燕避風。
烽火此時連海上，音書何日到山中。
故人別後遙相望，夜夜空隨斗柄東。

送汪仲恭往千山

白月團團星斗稀，夜深船去疾如飛。
聲傳海角來鴻

鴈光涌潮頭出，貝璣歲晚正當還。
漢節天寒誰爲寄，蘇衣夫容絕頂鏡。
天祿何日相從跨鶴歸。

和千山孫元寔韻

霜落梧桐葉上銀，秋來白髮似相親。
詩工不讓唐人律，政拙空慚漢吏循。
誰謂度遼能下士，自因逢掖學驚人。
吳松江上夫容老，還憶南山佩可紉。

和潘叔寬所寄詩韻

一笑行藏似賁須，誰知白髮事皆殊。
蒼龍欲化平津劍，老蚌應還合浦珠。
蔡女書傳猶四百，山公學在未全孤。
秋來江海非無志，柰此兵塵蒲道途。

風雨吳江秋漸過別來身世轉蹉跎蒲階金鳳落將
少傍水樹鷄生尚多且對清尊歌慷慨莫嫌白髮舞
婆娑欲將功業標銅柱誰是當年馬伏波

感春

會稽東望隔兵塵消息傳來總不真楊柳傷人青眼
舊梅花笑我白頭新一愁風雨三更夢萬里乾坤二
月春寂寞心期誰會得獨支筇竹立江濱

吳景文居庭牡丹盛開飲後有感

韶光天遣屬君家猶是東京第一花金屏夜寒團絳
雪錦機春暖簇紅霞倚風忽作纏頭舞避日還將便

面遮薄莫闌干同醉倚却憐孤客鬢先華

題朱教授送行詩卷

至正十八年冬余自省府退歸西湖之上
郡博士朱君斗瑞來謁出示京師送行詩
一卷讀之則揭學士夔丞旨吳大宗師王
尚書沂潘司業迪陳監丞旅胡應奉助劉
博士閻馮助教三奇比九人去今纔二十
年皆已凋謝無存者爲之撫卷嘆息因係
之詩曰

中朝諸老凋零盡一讀遺詩感慨多萬里還家猶俎

豆十年爲客尚干戈秋風東海雲帆舉春水西湖畫
舫過此去太平應有象杏花深處聽絃歌

用謝元功韻贈劉生庸道還錢唐

綠陰門巷燕遲歸白日看書見客稀自是病多便野
服豈因性僻解朝衣諸生載酒臨滄海獨子開船背
落暉有約重來莫相遠好將編簡究精微

送方舟上人住靈鷲

靈鷲之山出東海小朶飛來不記年佛國夜光珠作
闕龍宮春冷玉爲泉浮雲不礙游人履流水還隨釣
客船試問禪師去何處夜來騎虎上西天

巴陵女子韓希孟貞節

尚書子婦魏王孫清白傳家節更文諸將已捐南渡
主孤身猶抗北來軍血書夜灑巴陵月烈氣秋橫鄂
渚雲欲弔忠魂無覓處唯應瑤席從湘君

寄謝丞相康里公

海雲飛盡天如水夜夜遙瞻北斗高正愧無才叨末
座忽聞有命轉東曹鵬搏已借扶搖力鯨背終成餉
運勞白髮儒生何以報唯應執筆從夔臯

送胡孟然還錢唐并柬周伯溫程以文宇文

子貞

老夫移家東海上愛子相從又一春官爲閒多知性
僻客因住久見情親諫章行曳尚書履漉酒誰同處
士巾此去故人如問訊一槎將泛越江津

送有亨姪還錢唐

嗣宗諸姪仲容賢客路飄零雪蒲顛曾爲頌椒留子
美却思戲蠟愛僧度十年江海三杯酒百里溪山一
釣船何日兵戈得休息敬亭春雨共歸田
錢唐壯觀天下奇昔日繁華曾見之夜月管絃唯鼓
角春風羅綺盡旌旗湖山設想遊人樂城郭徒增志
士悲今日別離東海上一瓢村酒鬢如絲

題劉生庸道竹林書室圖

劉生讀書竹林下蒲耳金石聲琅琅翠陰碎落日當
戶緗帙亂翻風蒲床中夜蛟龍神變化清時鸞鳳瑞
文章此君標致誰能寫一幅雲烟墨數行

送朱道夫赴廣西巡檢

將軍慷慨出幽燕又佩刀弓過海邊桂嶺秋回南去
鴈潯江夜泊北來船正憐主印官無事更喜迎親祿
有田萬里若逢天上使好將詩句寄蠻牋

題蘆花被圖

秋深江上白蒙茸野客分來一色同酒醒孤蓬卧明

玩齋集卷四
月帳寒老屋不禁風羽毛乍聚搏空鶴蹤跡真成踏
雪鴻夜半何人吹鐵笛夢魂疑在楚江東

次韻李清叔元夕

絳燭燒烟散蒲城九衢車馬似潮聲山河影轉琉璃
薄陸海光浮菡萏平蝶睡誤翻歌扇暖鵲驚疑報盡
禧晴夜闌人靜天如水依舊殘星數點明

貢禮部玩齋集卷之四終